

棕

亭

詩

鈔

棕亭詩鈔卷之一

全椒 金兆燕 鍾起

過戚南山先生書院故址

暮春風日暄踏青到南阜荒城何曩顧之淒然久斷
橋流水咽高壟松風吼碑殘不可識剝蝕莓苔厚野豎
牧其前老農耕其後路人謂余曰此地君知否是爲戚
氏園當日常載酒講學集羣英蠟屐邀良友倏忽百年
餘華堂沒荒藪宅廢園亦空常任狐狸走余本幽憂人
聽此中心恟貴賤皆子虛貧富俱烏有昔日庭前槐今
日墓門柳天上浮雲多白衣復蒼狗

長歌答李息翁先生兼呈從叔軒來寄吳子荀叔

新安江冷清波駛，霜華柿葉寒山紫。
蕭颯秋風吹客衣，白雲回首家千里。
千里家山旅思牽，幾行新雁飛長天。
修途傳壘札麗句，托瑤箋。瑤箋乍啟，心如醉滿幅相思。
疑老淚短砌蛩吟，夜夜愁空山猿叫，聲聲碎憶昔偕遊。
金谷中大開帷幕，召羣雄連羣羊求苔徑，雨倚裳威籍。
竹林風丁簾朝旭，上未右霽烟重酒傾三雅碧，花放一。
庭紅談經師伏勝，忘年得孔融，門外渴攢何足數，曠曠。
白眼睨遙空，儵忽流光掣，礮禪吳郎返，權金陵縣六朝。
烟雨隔江昏，三春雲樹愁中見，去年我亦辭鄉國，羶裘。

茸帽霜風冽鞅掌從親作宦遊脂車待發與翁別黯水
黃山勝境多相期共探神仙宅吾家大阮饒奇興幾載
爲文成解擯一鞭相伴走天涯吾儕豈合長蓬徑今年
擬上天都峯置身萬仞凌清風雲巖矯首當窗見足所
未到神潛通奈何翁竟負前約山眼青青盼寥廓陳榻
日常懸李舟何處泊吟魂荒忽對芝顏一條斜月空梁
落君不見君家昔日酒中仙尋真遍歷萬山顛花瓢竹
杖人難遇烟嶺雲林路自偏千載宣平遺蹟在待翁更
爲訪林泉

蕉露聯句應軒來從叔命

十笏蕭寺旁，百弓荒祠拓。啟南倦旅獲，卽次繞牆足。花藥兆燕攤，書擁萬卷清。風入帷幕啟，南窗外成綠。天攢株相捎，掠兆燕垂蔭。煩暑消布根，芋魁錯啟南。靈液吸幽泉，精氣奪土魄。兆燕釘之水，出谷剝之絲。纏雙啟南學，書代蜀牋製。衣當越葛兆，燕竹彈文未成鹿。覆夢初覺啟南翠，葉千箇舒碧苞。一拳擢兆燕輪，困挺終葵戶。礪張鑿落啟南如蓮，壁齒蒼如桐。拆囊鄂兆燕密如蜂，房連撐如鬣。帆豁啟南蘭英喜，初吐松鱗未全散。兆燕乍剖只枵腹，細拭無餘膜。啟南中有濃露含甘勝，醍醐酌兆燕荷珠跳。輕圓蔗漿凝洛澤，啟南石髓局神尊。鍾

半藏祕壑兆燕萃驂刺青血穹帳醞白酪啟南液承仙
掌盤飴齧妃脣齟兆燕一一品相較紛紛味俱索啟南
惜哉清虛質竟同蒲柳弱兆燕輕霜飛庭除憔悴委敗
蘄啟南文布與武沉餘潤盡枯涸兆燕離襪鍛鳳尾連
蜷蛻羊角啟南畫意贖王維吟情倦沈約兆燕空有賦
凌雲誰解相如渴啟南

寄曹震亭五首

江左文章伯雄名海宇騰縱橫才八斗談笑酒三升芝
宇春雲謁蘭襟秋水澄忘年敢相擬聊復冀從繩

彩筆珊瑚架瑤篇儷體精丹山晴翥鳳碧海曉吐鯨清

露侵虛幌寒燈對短檠樊南編甲乙重見玉溪生

亭臯攜手處斜日已三商落葉空林亂幽花野徑香關
河悲庾信身世老馮唐偶語寒烟裡西風萬壑蒼

新雁一繩直霜天九月初旅亭方倒屣客路又旋車蘭
菊君章宅蓬蒿仲蔚居論心何日共香雪小窗虛

新安江上客歲晏感離羣貧賤無知己風塵只憶君三
秋涼月夢百里暮山雲悵望愁何極相思入夜分

秋望

萬壑響蕭騷長天氣沈寥霜林圍古寺秋水失平橋山
斷遙峯出雲歸積靄消故鄉千里外回首旅魂銷

病足東軒來叔

三庚苦灰烔偃蹇栖頽暑局室不容膝歎暑氣密布有
若蒸籠中加以熱湯注鬱攸填胸臆滲躓汨肺附息踵
幸小適濯足忽大怖微蘊何癢肺喉噉惡自顧立如欹
器傾行若折錯仆蹉踔似躓夔攣縮同拳鷲鵞旄郤子
登次且壽陵步蠻韡愁雍深越屐畏卯露吮咋巨蜚集
蚤螫毛蝟赴鐵石頻箴砭刀圭屢劓祝輦齟夜及晨唵
叨朝復暮杖叩畏禮苛壁挂避塵污鑿齒書未成照隣
藥誰助白嶽祇一舍乃慳濟勝具張兩思欲奮掘再旋
復住赤驥繫金柅青鸞囚竹箴追風凌霄姿奈何困泥

塢思君不可見，告哀托豪素。吟魂不厭疲，且踏夢中路。

初秋寄汪畊雲

臥病秋園旅思孤，魚雲如屋碧天虛。山中舊市堪沽酒，客裡新交許借書。石甃泉枯苔徑澀，銀塘風細藕花疎。相思只有空梁月，夜夜清輝伴索居。

寄懷吳岑華先生六首

漸江皎如鏡，白石何齒齒。秋氣忽已厲，商飈起千里。遊子懷故交，攬衣登魁壘。佳人渺天末，盱衡獨徙倚。落日滿空山，浮雲疾如駛。四顧增感嘆，淚下不可止。

都門盛冠蓋，車騎填九陌。

清時資黼黻致身各有策君子富經術刑名本道德秋
官重平反所急非刺賊不見古庭堅差肩稷與契

寒燈挂虛牖短穗光熒熒讀君所著書名理紹六經斯
道久蒙翳誰與辨涓涇我欲持是編一一啟愚冥殊勝
望碧漢稽首瑄明星

中宵不能寐幽輝照我牀輾轉懷舊歡冰炭摧中腸高
樓臨大道里閤遙相望晨夕屢經過中厨具盤飴雄辨
搜墳籍高懷抗義皇醉歌理絲竹歡樂殊未央如何形
與影倏爲參與商

吳絲全幅用百卉呈芬芳裁屐爲諸干當風自飄揚長

短稱君身粉袂步中堂顧我叟須捷解衣親持將不厭
土木姿被以龍鳳章服之踰三載領緣有餘香一衣不
足愛所重君子光開篋感中懷提衿泪浪浪

旅館依空山落葉紛策策寒月照古廊陰蟲響頽壁遊
子感秋氣中夜自嘆息蛩蛩飢誰念肫肫憂未釋修途
渺雲山相思竟何益所期在千載努力崇明德

題方隱君畫松

何人潑墨寫幽勝滿幅蒼寒相掩映名士由來愛小園
獨聽飛濤深院靜虬枝盤曲勢交加翠影娉婷色端正
矮屋荆扉晚不關何人載酒乘清興天際夕陽澹未收

疎星已見招搖柄，開簾不辭深夜坐。好客斯人有真性，揚州秋月二分明。相逢班草交初定，深巷秋陰白晝閉。小庭禪榻疎花淨，一卷新詩驚駭顛。干言強韻壓病競，興酣潑墨作梅花。女字橫枝折瘦硬，燈下草書妙入神。人詫老顛與大令，江左文人吾遍識。浩氣無如君最盛，何時乘我薄笨車。訪君仲蔚蓬蒿徑，十日盤桓老樹邊。與君撫榦同高詠，只愛蒼髯諡冷官。莫詫秦封屬大姓，碎粒殘粉盡收拾。肯使老枝有餘剩，松兮松兮保歲寒。方君託子以爲命，勿使敬容殘客來。樹間不足容車乘。

塞上曲

匹馬寶刀橫
征人拂曉行
星輝依遠塞
霜氣壓孤城
發
胸五通鼓
防秋千帳兵
玉門關外月
偏照漢家營

過潛虬山遇雨欲暗薇省不果賦此却寄兼示畊

雲

潛虬之山勢奇峭
嵯峨百丈聳丹嶠
古松躑踞疑龍騰
怪石猙獰若鬼趨
我友汪子向我言
此中才子有鮑照
作賦乙乙穿溟滓
說經鏗鏗窮幼眇
書法二王慚筆力
詩篇七子遜格調
鼎中禁籙五侯鯖
那數蟹胥與鴨膾
奇才人世難爲識
空山匿影老蓬藿
美金自當縣痕肱
潛珪應不久泥淖
我聞此語神爲驚
便欲訪戴命短棹

甘草茶尊距虛負奇響鏘鎗蕤賓跳郡城旅館一相遇
秋風客子豁懷抱千峯明霞侵衣裾一徑濕雲擁鞞勒
闔門初下短簷車烹泉且試長柄銚階前濯濯牽牛花
幽色媚人枝相拗軸簾遙見鳥聊山霜華埽堦生皴皴
匆匆握手未數言如諷幽經讀真誥日窟已曠裴君目
蘇門未聆孫登嘯旋驅蹇衛入翠微欲向枕中窺祕奧
焦明六翮豈易附吉光片羽或借耀是時已過登高節
短髮藍鬢孟嘉帽千里陰霾生高夏秋霖淅淅風稍稍
空林慘淡鳥晝啼大壑沈寥猿暮叫百弓池館封寒雲
蓬壺咫尺不可到此時潛虬隱深霧甘寢似避豫且釣

我本風塵骯髒人，愁潭老蛟結盟好。太息此虬豈終潛，一覘尺木看飛翽。歸持此意語汪子，細雨燈前同一笑。桃源有路應可尋，更擬入山偕阮肇。

雨中過長林橋畱飲鄭松蓮甥蝶秋齋四首

瘦馬登登過古原，荒橋傾亞傍雲根。山分薄靄青沾袂，雨送微嵐碧到門。睡鴨寒塘新漲滿，歸鷓小墅晚林昏。子真廬舍秋風裡，黃葉翻飛谷口村。

揖客苔階屐齒齊，沿籬書帶草萋萋。綠沉筠管幽人筆，

白塔蒿牆隱士泥。

松蓮善書滿壁盡挂大筆

麗句初成詩詠鷓，古歡

閒對帖尋鷺，軸簾虛室遙生白。檻外寒雲入望迷。

短簷疎雨自濛濛，促膝飛觴興未窮。
瓊粒禾堂春白粲，玉芽蘭砌立黃童。
雄圖滿腹經營細，小影傳神渲染工。
鶴箭不歸空嶺暮，無邊蕭瑟鄭公風。

開軒晚霽一峯青，攔眼塵寰傲獨醒。
北海孔融仍縱誕，東山阮裕久沉冥。
黃雲深鎖神仙窟，碧落高懸處士星。
從此吟魂應識路，月明秋夢擬重經。

自新安買舟送晉氏妹歸里三首

冷署辭親闈，逝將歸故鄉。
聚首此須臾，相對各徬徨。
酸風來庭除，清晨理征裝。
春寒苦晝陰，隄梅鬱幽香。
溪流初解凍，舟子艤輕航。
大婦偕小姑，差肩拜高堂。
執手難

爲別涕泗紛沾裳

沾裳行遲遲相送河之湄衰親顧稚齒哽咽前致辭長
途依兄嫂眠食慎所宜貧儉乏資從歸裝輕可攜所貴
嫻內訓安問釵與笄積齡厭薄宦會面應有期努力事
姑嫜勿復多傷悲

傷悲未能已輕橈欵言邁岸曲舟屢轉沙洲亦云屆城
郭漸已遠遙嶺出烟界歸禽爭寒枝駭獸趨空柴孤篷
聽暮雨共作團團話耿念鯉庭孤短壁寒燈挂

屯溪晚泊

繫纜長橋畔開舲縱遠觀暝烟上高阜春水失前灘不

耐初程雨已知行路難驚心昏定候回首思漫漫

過歙浦望郡城諸山懷汪稚川

山分衆流匯平川漸溟沔遙嶺樹若薺急水帆如箭
衡倚舵樓霽影紛欲眩高堞束山腰長橋劃水面石欄
綠坡徑雲堯蹲巖殿烏聊嵐色黦紫陽旭光綺來岸疾
相迎去峯奇可戀緬懷素心人幽居渺難眄

威平洞

韓世忠擒方臘處

危巖俯青溪片石勢欲落嵌竇藏古雲廡空解宿澤陰
風體禁瘁異境魂錯愕捫蘿試窺探欲進還復却傳聞
古驥將於此縱斬斫三窟兔莫逃一枝鳥難託殺氣凝

木石言金 卷一 九 則皇車
杳冥妖星隕格澤功踰燕然山名軼凌烟閣至今草木
狀猶作弓弦曠而我來登陟四顧屢驚雙乃知弄毛錐
處世多落度逡巡覓歸路滑徑仗敗擇回首最高峯嵐
光下紫薄

攜閨人登嚴陵釣臺

兀坐深艙中愁心困如束孱婦畏蕩搖嬌女怨跼促眠
食乖所暮炊汲飲童僕今晨啟篷牕喜見富春麓沓嶂
峙高臺倒影碧如浴纒舟傍巉崑登岸恣眺矚閨中聞
見隘覽勝但瞪日豐碑倚頽楹苔草紛蔌蔌披帷瞻遺
像斂衽拜虔肅 問是何神塵案無香檀石磴可小憩

顧繆爲汝告是本釣魚叟性不愛榮祿作書詆相癡舉
足加帝腹歸汝持一竿獨坐寒潭曲有妻厥姓梅偕隱
在空谷幼卽根仙胎長遂耦高躅但知觀魴鱖不識有
翟莠得此同心人共擁羊裘宿百年老滄江何必問朱
紱吾心已曠然汝意定何欲一笑歸烟舟七里春波綠

西臺

寂寂空山古木春毀垣枯甃冷江濱楚歌擊碎竹如意
不見當年汝社人

舟中元夕

風雨晚來急扁舟閉短櫺鬧蛾喧野寺眠鷺冷孤汀夢

裡新安月依然到廣庭醒來愁不寐短焰一星星

錢塘江上聽潮歌

酒尊空燈花落孤眠百尺臨江閣薄醉寒衾夢不成驚
魂一夜翔寥廓初聽尚汨汨再聽更洶洶呼牟老特鳴
窖中無乃灌壇神女過馳列缺兮鞭豐隆抑或黃帝張
樂洞庭野守神塗卻轟鐘鏞又似天山胡馬夜鏖戰戈
鋌奮擊千羣鐵騎鳴寒風大聲兮礮礮小聲兮砰礮礮
傾崖礮大壑駭膽慄魄膽舌吐齶想天吳之騰擲兮共
倉光而跳躍翻鼈兮盪鯨崩壺兮倒瀛長鬚國裡疑笳
疊鼓醮女而館甥龍王宮中大會食饗蛟饒鼈磨牙吸

呶紛喧爭疑神瀝耳疑信總相半震天聒地從未聞此
聲伏枕一靜悟乃知前宵後種積恚鬱怒激盪而爲此
不平之長鳴洗苾蘿之零脂澡石室之餘穢愀寡婦兮
拊心惜壯士兮裂背響砢兮朝軋風呖兮颺颺獨
披衣兮佗佗見殘月兮當樓憑欄悄立四顧而無語兮
頓使我填胸塞臆撐腸拄肚空湧夫千秋萬古之牢愁

北新關清惠祠謁先少參公遺像有序

明故朝議大夫湖南兵巡道布政使司參議推
陞南贛巡撫金公諱九陞字樊桐爲郎官時奉
命權杭州北新關稅值寇亂楚蜀逼梗國帑蕭

然公心憂之歲既冬寇氛稍息估

此乃來甫一

月而正供足公乃悉蠲後稅舟楫

云集市無折

閱而民用以饒商與毗咸戴公德

山字范像春

秋禋祀于今百年乾隆己巳春五世孫兆燕入

越得瞻禮焉敬賦五言四十韻追紀其事

祠堂臨水浹石城古苔封窻納海邊日門迎湖上峯檐

輝明晃朗鈴語響琤琮春社鳴晨鼓寒潮帶晚鐘香聞

隣寺柶影映曲廊松仰止容儀肅思成拜稽恭舊勳猶

赫赫往事忽憧憧繫昔方屯厄遐陬徧突衝碁楸紛聚

蟻負笥恣攢蜂赤縣將沈陸黃圖慶告曰邊儲虧廩庾

國計窘租庸釋褐初紆綬登城便舉烽

公宗正戊辰進士改會副授棗

陽縣令

琴堂書上考粉署佐司農

爲戶部郎中推關稅

扁舶通江海

關津算啄實羽書何疊疊苻澤正洶洶杼柚嗟難繼蒲

羸歎靡供荒原愁越絕疲戍怨吳儂鷓鴣叫湘烟斷猿啼

蜀道壅旄頭看到偈金翅駭艤臙鹽鐵空持論舟車竟

絕蹤量沙三府匱仰屋百憂攻日促憐窮庶星迴值暮

冬寇氛稍蕩戢估舩競征徂撞布如山積朱提似水漉

安雖同燕燕飢且拯蛩蛩羣賈尤堪念頡年亦孔叩門

關蠲賦稅鼓柷快朝宗萬艦春波濤千曉影重不征

留古法深感遍愚悰構宇人輸絹鋪筵薦饗神弦調

曲雅昔酒酌尊醲遺像欽如在前徽杳逢甘陵今共

奏元祐昔難容

事詳東林列傳

北闕塵迷鳳南

月冷菴丹忱

貫江漢

兩廣通志載公禦寇事甚悉

白髮老艾戲憂

顏猶悴

公病居金

陵推陞南贛巡撫未赴任以憂卒

齋心貌自醜緋袍遺制古烏几篆烟

濃屋角歌陽馬碑題齋琢龍迹難終祖德靈或佑衰宗
暝色冬青樹填愁尚滿胸

秀水舟中晚眺

碧影清波動綺寮晚粧樓上整雲翹斜陽一帶珠簾捲
西麗橋連北麗橋

懷鄭詩有序

兆燕巖時侍家大人客邗上吳門鄭紺珠先生
一見器之贈詩有驚才妙奪天葩艷麗句還同
老鳳清之句復聞紺珠友有歛處士鄭松蓮先
生者亦工詩及書法訪之已束裝去閱十餘年
隨大人宦新安數過松蓮室爲莫逆交今春自
新安歸里道經姑蘇將訪紺珠之廬而舟子以
風利不泊惘惘遂過得松蓮于意外失紺珠于
意中人生會合之緣冥冥中亦有主持之者耶
孤篷不寐挑燈點翰作懷鄭詩并寄二君非足
代瑤華之音聊以抒飢渴之念云爾

少年讀經註未熟先鄭後鄭紛眩目後來涉獵親風雅
唐人最愛嶠與谷不謂平生數知己亦惟二鄭最稱篤
十年前接紺珠膝珍珍短髮纔可束十年後把松蓮袂
風塵牢騷已滿腹空聞狼臚能覘金每怪鼠璞偏溷玉
而我屢爲國士知往往顧影輒自慙紺珠先生最愛才
酒酣說士甘於肉憶昔癡頑了角兒之無初識墮入塾
魏收弄戟不知書陶謙綴帛猶騎竹牛心啖我盤中炙
魏臺寫我裙上幅璫賤烏几偶竊窺始知鸞乃鳳之族
乘舟江上已解維欸扉旅亭空剡牘不意神交十餘載
一旦坐我花間屋每與松蓮數昔遊縈塵吹影杳難復

今年擬更訪紺珠話舊共翦西窗燭清輝咫尺不可見
門前春水空如縠何時得爲汗漫遊一樽共醉吳山麓
晴湖披霧看縹緲古牆別蘚和幽獨輕帆御風疾于箭
相思獨傍楓橋宿千里膠漆構良緣數武參辰隔芳躅
乃知離合信有數此中消息難預卜折麻分緘寄二君
兩家書帶應已綠

吳郊春望

遲日江村麗錦緹曲欄深巷草萋萋女兒愛挽夷光髻
稚子能馴李保雞秦伯祠前花覆屋春申浦上水平堤
鴛鴦家在愁烟畔欲問吳宮路已迷

京口阻風

小舟豈安居我行亦永久屈指數郵籤程站已十九私
計不半旬入室掃戶牖奈何隔衣帶便若絕飛走初泊
恐無隣落帆漸多耦斂櫂羣不前息榜更積後晚烟濃
如市高檣森若莠官舫自鳴金賈船亦擊斗波隳明桅
燈柁側礙岬柳景熱歡童稚聲喧愁病婦江旛舞怪風
枕上聞狂吼天明起盥椰開篷一伸首側立但矐目還
坐仍束手浪山疊嶮嶒波岳傲培塿翁翁潮勢來砰磕
江聲走寒猿鳴嗷嗷乖龍態蚬螺陰霾結慘淡晷刻錯
午酉南徐城屹屹北府兵赳赳興亡千古恨一朝互纏

糾疑爲雲不開鬱
作霧難剖肝衡但一
子我竟何有
洗碇鱸殘魚拭案
翫早韭持杯對雙峰
飲京口酒

渡江

中夜狂飈靜今朝好解維
汀花醒宿雨岸柳媚新曦
重磯輕舟穩危檣急櫂疲
烟籠揚子驛潮濺之狸祠海氣
蒸孤嶠江聲撼曲碕空青吳岫淡
長碧楚天垂甌宰然
挂竈船娘拭盥匱臨風堪曉沐
放溜且晨炊枯坐無人
問長謠有所思
雲舒望眼萬里曙光彌

真州江上六泊

空灘桮杓暮天涼
何處南冷品未能方響亂敲青岸月

圓波深浸翠篷燈
三更愁思江濤湧
萬里寒光夜氣騰
長笛一聲清露濕
舵樓高處冷于冰

入港二首

長空一片晚雲迷
搗鼓回飄入小溪
預喜家山春雨足
到江新漲已平堤

瓜步寒潮白浪堆
石帆遙挂大江隈
莫言東逝無情水
曾繞山居屋後來

抵家

舟中艣未停岸上
人已待繫纜垂楊
下喜見吾廬在荒
邨對夕照老屋當

風入門視庭楹
昨夜猶夢中鄰里

見我來聚觀盈我門親戚喜我來挈榼更攜尊我心轉
多感惻愴安可言憶昔初出門庭柯不盈把今來攀舊
枝翠葢覆檐瓦南鄰叟已歿東家婦新寡人事歎滄桑
歲月驚奔馬重門扃鑰開苔草紛沒階空案見鼠跡破
甌堆塵埃明知不久駐且復葺其頽晴日小山叢冷月
漸江瀨昨夜夢在家今夜夢在外

飲吳岑華先生半園率賦奉呈六首

故里方停棹名園便款關喜看花援在驚見鬢毛斑濁
酒堪斟酌浮雲任往還小窗紅燭麗促膝且開顏

趙蔭知難住膺門此重過如公猶躡躑顧我合蹉跎花

壓無顏。恰塵封深。維韉去年今夜。月燕市共悲歌。

翟門題後冷寂寂。豈常局。啁啞驚調舌。瓊鶴曬翎空。

庭雙樹碧。虛牖一峰青。白首休長嘆。寒芒炳列星。

宅對青山面。門臨綠水濱。高梧排幹直。乳燕定巢新。爲

雨知他日。栽花及此晨。傳家有舊譜。莫避職勞人。

未必著書老。何妨棲地偏。白雲尋舊徑。烏几愛新編。鄰

笛高樓月。漁歌極浦烟。聲聲愁入夜。把酒各茫然。

幾載雲山外。依依夢寐親。何圖趨鄭驛。復得飲周醇。問

字奇須記。論文法重陳。莫嫌來往數。駐屐只彌旬。

題鮑薇省百首荔枝詩後四首

輕綃一抹裏幽香空飽荒陬阿囷腸不有詩人評泊好
海天千古怨茫茫

綠葉萋萋羨側生不辜閩嶠幾年行笑他癡絕江南客
祇向楊梅詫日精

滿林灼灼復離離一片朝霞萬顆垂可惜中原無此種
三分清氣付鶯梨

百篇吟就鬢霜侵幾載家園病不堪可是美人定憔悴
年年石貝蠹秋霖

吳拱芍書館喜晤鄭封山次日拱芍賦長篇封山

屬和余亦依韻成章奉酬二子兼寄金陵諸同

人

新安吳洪芴讀書窮二酉文章薄霄漢意氣驚戶牖雲
烟紙飛騰蛟龍筆蟠糾幽經與怪牒奇麗靡不有抽簞
每壓人孽祛獨愛某新文必相示疑義屢與剖混珠目
慚魚續貂尾恐狗向若失細流學山忘小阜鄣嶺暑氣
銷漸江秋水瀏落葉感長年吟蟲促懶婦看山破愁城
披霧入文藪幽谷聽猿啼晴原駭鹿走獲身良其背孚
朋解而拇入塾我求蒙叩戶叩須友雅韻挹滿臼俗塵
撲盈斗散帙紛陸離相如與枚叟潛咀齋房芝滿酌嚮
尊酒坐客更偉岸姓氏急細扣通名共一笑天斜態幼

蟻豫章生叢薄葦葦溷薪樵騏驎駕短轅趨起隨牝牡
每歎才難遇未免俗易狃而我所神交一日獲執手如
賈羸百倍似農穫千畝憶初識之無文河昧蚪蚪咫聞
貪涉獵千金珍做帚時或緣拋墻往往獲報玖刻意絕
叮哇極力脫窠臼側身入詞場倭儉亦已久未克聲爲
律徒益顏之厚誰爲聖去鼻競嫌柳生肘白紛苓開發
闕戶家仍部文壇幸多師試與數曹偶衆峯排岱華小
埕厠暗樓或解精六書聲韻研子母或能通三易疇圖
辨先後或奇字滿腹或香詞溢口書或二王間算或五
曹右賞奇共細哦發難歛大吼前年客秦淮畫船明佼

擲羣賢正大集著述定可否飲噉縱十日初七至下九
共言鷓鴣句新交吾輩忸神物昂青霄那復數庸鯁唾
手青可拾息踵黑自守六籍長枕莊百家恣踐蹂余聞
犬稱快有如篋刮瞽便欲訂霞交偏難擺塵杻識韓心
自切訪戴事多負鳥飛枉張羅魚逝空設笱懷人每觸
根讀賦敢覆瓿今夕是何夕偶被涼蟾趣本尋秋岸花
忽見春月柳兩美耀我前愈增此催醜平生歎督學逐
聲叶竿缶豈知豪傑士獨立豎身首刺渴自爲天力微
本無舅何事踐陳迹百吠應一嗾自今獲二君便若侶
千耦寄語諸健卒得毋避舍歎

寄葛繩武

梅花亭子記歐陽幾載征人最憶鄉傳語松風畱古韻
好添蕙帳貯幽香一竿到處聊爲戲三逕遙知尙未荒
小室爲懸徐孺榻遲君吟屐破苔霜

棕亭詩鈔卷之二

全椒 金兆燕 鍾越

暮春過吳洪芍齋中坐話酌同登舍利菴僧樓晚

別

山村三月春雲曩溪流曲曲掩濃藍竹兜輕如坐小牒
苔巖危似穿虛龕墨市估客擁髮匣茶園少婦提筠籃
鼠姑大放紫鞋麗燕雛初試紅襟憨山花野鳥媚倦客
紛如八騶導兩驂幽人局室臨路口棗花簾子堆朝嵐
參門便坐讀書榻握手一笑祛積愆錦暉壓架繡作袂
青萍挂壁銚滿鐺巡簷酣叫恣喧嘩跳盪青兕鬪白虬

主人斂襟忽佞倅自言平生百不堪憶昔襤衣尚垂髻
頓失郎罷悲漏鑿雙雛寡鵠持弱戶百憂如蝟不易擔
季姜長帙夜累累陶母短髮朝鬢鬢冬雪葛帔苦須撻
夏漲茆屋慮消泐凍雀空望負暄燠蓼蟲那知食薺甘
丈夫三十不得志蝨局如覆交虬盒置上豈容驥展足
矛頭詎易米浙泔老母未免飯蕘糲安問室內妻與男
東家乘傳誇姓偉西鄰徵歌招何戡刺促窮士抱故紙
脉望何時仙枯蟬僕聞此語亦心慟勉旃君請無多談
將飛必伏伸必屈無乃其理如是泐况君中林秀蘭蕙
六經枕菲工研覃擷艷真堪轍鮑謝擁元直欲排周鼎

夢窻白石恣搜討，細瑣如縣璘藉蠶。竚看千里只一規，
飛黃脫綬奔趨羶。烏哺定報北堂北，豹隱寧終南山南。
聽鷗撲蝶且暢意，慎勿愁思攢鉗鑿。舍旁小徑入叢薄，
其中聞有舍利庵。菱茨奇葩吐玉茗，輪囷古木森石楠。
倚袂且與豁倦目，空香柰苑深歎歎。梯桃連步上高閣，
三十六峰如排簪。星牖上下明，突窳雲根左右歌。籃筮
砉然仰天一長嘯，蒲牢大吼萬竅歸。歸路更取石逕仄，
和風冉冉扇微酣。許君山頂遊，更再送我邨口揖。復三
花光向人弄晚霽，頰玉盤子銜空嶮。

霞山精舍訪戴稚圭

赤標司炎辰會暉布歆赫拂曉入空山眷言訪烟客繫
馬濃樹下蘿逕覓行跡紺宇聞幽磬翠戶蔭疎帟握手
雜笑言褫帶解締綌輕颺入薜帷薄嵐映苾席方塘彌
泮罅長筧滲苔隙清言恣歡暢遙嶺日西夕方欣塵慮
靜奈此積景迫欲去復還迴徙倚松間石

偕汪蘅圃小軒納涼枉蒙以詩見贈依韻奉酬

壽陵步未工承宮面孰代自慚詭符飄瞥歲云邁刻
蒿以爲矢裏厨以爲鎧鏖戰逢大敵恐難恃狡獪算遺
笑陳謔戈逐類范句

時侍家大人側

聞一能知幾屢聽仍不解

榻來親大雅爲我啟禱昧

素觀拙集過蒙推獎

威鳳一引吭小鳥

頓息喙投磔乃捧瓊有如餌用糖溫柔經探葩雄麗史
擷稗寸管握弱翰強弩發剛挂每歎溝猶儒耳學輕老
輩杯水測溟渤聚埃擬華岱蛄竅作蠅聲無乃太湫隘
河伯向海若定自失澎湃雖復賦小言安足知大槩促
膝語未終蒼垠歛逞怪玉虎喝積孽金蛇爍衆曠凍雨
紛浮泡央瀆蕩積闕抱頭童鬚髻癡若囚被逮余方大
酣適更促翦燭話敢冀夔憐蛇庶同狼倚狼從茲數晨
夕賞析惟君頰宵深披葛幃篔簹紋滑冷薤

普滿寺僧房讌集盃韻贈朗暉上人兼示衡圃

古寺名普滿更歷唐宋代別薛讀殘碑虞集文奇邁其

中有閑士勤披忍辱鎧毒龍制躩踞野狐祛狡獪僕也
本鈍根慧鏡苦莫旬日從支公遊禪宗仍未解時時到
講堂聽法得三昧一聞廣長舌無敢置短喙洪濤渡江
蘆紫氣出關犗乃知真解脫不同沙門稗腸應投澗洗
足定向壁挂偶開香積厨入社邀余輩元津問西土黑
籍怖東岱盱衡雪嶺高局身火宅隘羣思借慈航一瞬
渡溟泮花宮何陰翳禪房亦退槩四壁繪泥犁聖畫恣
謫怪庶用喝嗔貪亦以警聾聵而我每獻疑無乃于理
闕返觀身亦空那見苗必逮參遍有覺禪說盡無生話
紛紛談龍象一一總狼狽只有般若湯吾生急所願且

與烹園葵何必刈山茹

夏夜憶舊二首

水閣虛簾夜氣涼
銷魂曾憶住江鄉
紗帷珍簟清無暑
菱鬢烏雲茉莉香

寂寂蘿軒掩翠門
空廊明月冷清樽
螢輝滿案慵開卷
愁見當年粉指痕

長歌行贈黃山僧雪堂

時住錫城東富瑯塔平等庵

東阜山光晴散綺
峩塔影雲中起
百弓初地隱檀欒
濃翠疎簾清映水
黃海詩僧字雪堂
蕭然衣被貯文章
妙音舌現珊瑚色
彩筆書堪瑛瑗湯
休名姓人爭慕

飛錫偶來城外住，倚樹談禪得眼撩。閉戶讀史懸腰瓠，
小園秋筍滿林於。玉版來參香積厨，般若湯傾銀鑿落。
元香瀦滿玉蟾蜍，蓮社名流紛可數。風前跳蕩如虓虎，
聯吟放筆拓長箋。賭酒藏闔誇大戶，鈎簾斂衽爲余言。
身世閒思欲斷魂，往事尊前堪僂指。醉餘不惜向君論，
我本新安豪俊族。家聲越國聯華轂，贏金奕葉本膏腴。
質庫鹽車遍吳蜀，少年意氣劇飛揚。心計羞隨賣絹郎，
對影每歌青玉案。臨風愛佩紫羅囊，幾年驀忽春宵夢。
羅綺笙歌喧畫棟，博進千堆結客場。纏頭百匹迷香洞，
偶然烟景愛西湖。十載徵歌湖上居，狂卷白波呼白臚。

醉扶紅袖入紅蕖狂朋怪侶相追逐射雉未終旋蹴鞠
座上揮金輕似沙酒邊說士甘于肉白鼻驕鬪紫鼠裘
看花時節縱嬉遊春風挾彈銅姑瀆秋月吹簫望海樓
短夢無憑易銷歇盈虧轉瞬天邊月但知白眼可撐雲
豈識黃金難作穴歸來羞澀一囊空厚薄人情反掌中
轆釜朝厨聞厲響斫荆夕院菱芳聚行踪俊儆慚鄉里
鏡裡頭顱空鬢鬢道路誰憐任昉兒丈夫羞乞胡奴米
聞說天都最上峰精靈萬古祕奇蹤一朝解脫諸緣縛
薙髮披緇入梵宮晨鐘暮鼓流光駛獨對孤峰頰徒倚
綺語紛披懣未能依然未見桃花聾年來左耳復新聾

稍憊難除取睇空枯坐蒲團花落盡泉聲松響有無中
師言未終吾狂吼相逢且盡杯中酒自古文人半臧軻
駱丞賈島相前後況今世路總坡陀衣狗浮雲瞥眼過
祇有生天憑慧業何妨得得復何何我亦天涯半落客
雲裏烟駕明當發與君長嘯上天梯三十六峰秋月白

登樓

千峰望不極秋思正紛紛野寺全臨水山邨半在雲
芙蓉盤明淺渚楸線亂斜曛何處桓伊笛高樓向晚聞

晴

雲歸斜照外空碧淨無塵樵斧聲猶潤山花色乍新
巖

波千澗疾遙黛一峰真獨倚僧樓晚臨風墊葛巾

黃山詩五首

湯池

鼓興入名山趺足耐蹶躡尚未陟嶮巖焉敢告疲叅古
寺名祥符石徑複屢折虛堂延小憩苦茗供細啜苔了
傍石橋滃滃聲不絕下有池一泓斜竇汨清沈神漢剎
天漿陰火扇地穴跣足入幽坑解衣挂枯蘂醜體觀淨
因醜面暢禪悅乃知離垢地不受凡塵涅披襟坐空亭
鳥影拂高凸千峰凝暮靄一心朗朝徹何必玉壺旁碎

揀硃砂屑

池一名硃砂泉周書異記云軒轅至湯池見玉壺携歸石室飲瓊漿升天

慈光寺

雲裡來鐘聲不知寺何處但見猿狖羣紛紛入竹去深
澗架獨木俯仰絕所據路轉境乍闕紺宇互鸞翥峭壁
作綠垣陰森舛昏曙遙覓十餘里清泉不假濾古佛參
四面塵緣滌萬慮秋夏月正高山氣寒相助日旰猶蒙
綸夜闌謀擁絮朝更探奇濟勝具當豫藤杖選枯根
芒鞋剔殘淤燈下強老僧山郵細條疏

文殊院

登山不問途容足便舉趾雲肆垂仙蕤霞窟叠幻綺滑
捫蛟室腥險攀鶴巢石當身豎鈍潭俯影無底介空

隔仙凡移步判生死從僕勉後隨導僧屢前俟穿透天
一綫漸覩海千里蹒跚入小庵枯衲方隱几蛙竈蒸白
蔬石鼎煮赤米休足得展目杉根頻徙倚奇石擲元熊
怪松鬪蒼兕佳境知漸入未敢言觀止不待曉鐘鳴牀
頭負棕履

蓮花峯

昔聞太華峯乃有玉井蓮其花高十丈其藕大如船此
言疑怪誕私心竊不然何圖觀靈異乃在小華顛巨根
蟠黃壚危瓣摩青天獨立眺九州一瞬窺其全海氣黃
翁句江流白蜿蜒四明淡帖籟九子紛擎拳天目與匡

廬一一相蟬聯，擱眼癡若雲。攬身輕如烟，跌坐白霧中。

自疑爲水仙，拍手笑龜魚。穩睡葉田田。

峯下有龜魚石

鍊丹臺

我生困塵濁，偃蹇蟪蛄窟。欲乞餐霞方，那無入星骨。履險捩微軀，探異陟磽兀。筇杖荷芝簦，不敢畏顛蹶。軒皇乘龍後，仙境多荒忽。崑然鍊丹臺，萬古高嶒峩。鼎鈿偃空山，龍虎氣未歇。孰調文武火，嬰姪餓騰勃。山腰百步梯，一步一跪跪。後肩續前踵，上履躡下髮。銜尾似渴鼠，帖腹若飢蝎。跼膝憩崇岩，齋心通冥謁。白雲爾飛來，吾將排金闕。

借吳洪符訪方蔓生不值二首

偶捧琅牋嘆異才，傾心便訪讀書臺。
衣不待投綾刺，班草先謀坐錦苔。
迎客鶴披黃葉徑，避人鷗起綠萍隈。
虛堂日影過簾額，看竹誰家尚未回。

蘭交作合自多艱，乘興先容亦擬還。
銀葉撥殘香細細，金英數遍錦斑斑。
留髡此夜應投轄，御李何時更款關。
佳句歸吟高閣暮，銜杯空對夕陽山。

余最愛蔓生杯底夕陽山句

贈江村野叟

高嶺白雲外，腰鎌一徑通。
全家廬郡北，生計老牆東。
沙岸屋邊圻，江流天際窮。
浮生何有限，感長揖向悲翁。

木蓮花樹歌

南海沙乾風揚塵紅衣酣睡千巖春蓉裳日炙湘娥愁
天風木末吟高秋淨根不受汗泥滓披霞濯露空山裏
瓊姿閃影到人間十里赧紅抱香死浮邱袂拂軒皇爐
合丹午夜採花鬚應真八百雪山側歸來好住翠蓮國
秋日過歙西鄭氏書樓偕吳二洪芍小步近山同
訪吳大松原歸飲月下三十韻

千峰曙色曉蒼蒼極目西風客思長藻井蕭晨辭燕婢
綺旆豐歲兒鴉娘偶經古鎮知巖邑爲訪幽齋過野塘
小閣高懸徐孺榻寒流斜抱鄭公鄉疎籬六枳開花徑

曲岸雙扉轉畫廊，旖旎青帘沽酒市。弼張絳帳讀書堂，
高名自昔原齊富。奇字而今只問揚，上足人皆夢秋駕。
垂髫女亦誦靈光，垣衣雨後侵琴薦。壁帶塵中冷劍囊，
瑤匣米山鳩細溜牙籤。鄴架甍牢裝一編，別集名乾膜
幾闕新詞號弁陽。露澣薔薇纔擷秀，霞明楓榭更尋芳。
橋橫暑杳明紋縠，鐘吼蒲牢出寶坊。擁屐乾沙枯澗澀，
冒衣弱蔓古藤僵。鶴巢晚隱深林赤，鹿柴晴堆落葉黃。
雲遏歌臺鳴響玉，苔封恨冢弔幽香。百弓地復開佳境，
半刺綾旋謁阿荒。戶對奇松青倚葢，堂迎修竹綠排槍。
檣頭船小腮前過，洗手花粗砌畔昂。鐵榦下丁閩，啄木

金鈴楚楚見治牆翠屏如畫橫高嶽緜縈連雲壓古牀
據案書癡應似寶揮毫草聖詎輸張山分點允真堪羨
津躍機雲不可當險磴迴尋朝徑仄虛簾早見夜燈煌
論文座上冥心會射覆筵前蓄意藏紅燭刻時詩虎捷
白波卷處酒龍狂何須倚檻悲王粲且自敲巾問葛疆
蛩語驚心喧四壁虬壺瀝耳報三商國香忽入林蘭隊
經袖真趨帶草芳雙眼曠曠濃醉後一輪寒月滿樓霜

寄懷汪菊泉五首

時菊泉客都門館
桐城張太保家

虛簾明月露華濃千里相思入曉鐘才子名喧丹鳳闕
騎人夢冷白鷺峰飛蠅有意思隨驥負厯何時得借鰲

行到長廊携手處幽階一夜語寒葢

一泓秋水轉清醺叔寶清神杜父膚顧影自堪輝日下
鍊形何必隱天都揚鬢神物終歸海斂翮珍禽且在笈
定是蓬萊峰頂客僦居已住小方壺

燕泉窩齋名

錦韉珠勒赤霜袍結客幽并意氣豪健卒彎弓看會獵
酒人側帽約題糕三都筆札秋雲麗一笛宮牆夜月高
畫壁旗亭多俊侶那能閒憶到吾曹

驚座才名擲地詞宋風謝雪總相宜紅樽高譙公孫閣
綠墅閒陪謝傅棋珠履三千人散後玉闌十二月移時
沙隄槐柳重重密莫訝吟魂入夢遲

白楊蕭瑟滿空齋
荒徑重扃晝不開
落日孤猿愁嘯侶
秋風倦客獨登臺
呼鷹且縛黃皮袴
命酒聊銜綠玉杯
寄語故人知此意
臨風爲我一低徊

同吳猷芍夜宿

撼撼空庭落葉飛
深宵攬袂倚虛幃
歌當曲盡腸千轉
話到情多淚一揮
小閣爐熏香入夢
疎簾月色冷侵衣
匡牀共聽霜颼急
秋點聲中燭影微

飲李彞敘園亭次周仲偉韻

良朋相聚卽相酬
局室圍爐興自幽
擲地詞章青鏤管
驚人眉宇紫貂裘
疎梅幾點橫高閣
叢竹千竿俯曲流

銀漏三更濃醉後一聲霜鴈起鄉愁

題徐松源蓮花溝弄月圖

鰕湖鷺嶺雲海鋪仙人窟宅棲天都花瓢竹杖者誰子
風流自號南路徐蓮花峰下弄月久萬頃烟嵐入吾手
偶然潑上剡溪藤百怪淋漓無不有貌將仙的與神尊
五嶽精靈腕底搖却向空山厭兀坐扁舟直下廣陵濤
廣陵城下繁華子愛畫牡丹門紅紫忽見寒鴉枯木圖
擢身疑在冰壺裡先生筆仗清且高先生意氣何雄豪
却携秃管皴焦墨美人簾畔聽吹簫吾聞畫者古多壽
先生得天應獨厚下筆卽看心吐花掃塵那畏肘生柳

江流到海地形頽塗抹空教費襪材終倚天梯獨長嘯
濡頭醉上軒轅臺

戴孟岑吉士招同汪琴山周橫山寰宗上人集飲
江城逢五月瓜果足清遊卓錫僧銷夏含烟竹有秋晚
雲沉極浦新月上高樓訪戴真乘興兼旬更滯留

送寰宗上人歸山

大幕山前路春來我重經送君今日去回首亂峰青
望夫石

古苔疑綠髮新蘚學紅粧不盡心中事無言對夕陽

翠螺書院同韋葑仙夜宿

繫我江邊舟登君樓上牀明月照無寐疎簾弄幽光幽
光明復匿中夜各嘆息人生天地間何處行胸臆古道
悲風多遊子夫如何酒至爲君飲飲罷爲君歌明發別
君去悠悠江水波

題秦廣文冊子

天風吹江江水立江霧濛濛空翠濕江畔千秋一片石
江邊筍篔幽人宅幽人冷官天之涯天梯長嘯尋丹砂
宣平庵中送我別李曰樓下訪君家君家高對翠螺山
山色空濛香靄間一丸明月應堪捉千載高風未易攀
先生自是謫仙侶每向樓前澆綠醕我來獨立樓上頭

相思千里空悠悠石有髮松有斂花瓢竹杖求其儕行
年六十未云老說經娓娓治事齋故山猿鶴如相問我
亦軒轅臺上來

兩宿鎮頭

風雨郵亭暮離人百感生陰堂疑五酉陽令失三庚
額寒烟斷山腰積霧平沾裳何限淚不待嶺猿鳴

聞吳岑華先生凶耗口號絕句十六首

眯目黃沙灑鷓鴣風江天萬里作愁容高樓獨客傷心暮
一紙鄉書淚滿胸

津亭日日盼書來誰信翻郵去札回漫道鱗鴻天海濶

更無消息到泉臺

合并幾日別匆匆蹤跡頻年類轉蓬紅燭離堂花月夜
觥船悔不百分空

兜率天中自在行紅婆朽木悟浮生定知回首無他戀
祇有難忘范巨卿

幾載秋曹白髮新于門蕭瑟對殘春如何漢代張安世
偏洞庭前磔鼠人

老樹西風忽報秋芝階蘭砌總浮漚青箱幾箇能傳業
勿效南城只淚流

悵悵哀辭劇可憐朝雲春草易成烟如津未必通銀漢

休向天孫負聘錢

王孟高岑詩格雄景唐屈宋賦同工牙籤塵案俱零落
誰檢遺文付所忠

僧籤梵夾老吟窩綺語翻因懺後多清絕曉風殘月句
空留狂醉法明歌

終身坎壈向誰論才子其如賦命屯一事旁人聊慰藉
差羸及第賜孤魂

翟公門戶冷烟迷磨鏡何人奠一卮隣笛寒風吹獨夜
酒壚人散已多時

暫脫朝衫坐釣磯向平素願嘆多違溺攢欲避真無術

溫序何緣只憶歸

憶昔東華共餽廬

帝城風物冶遊都燕昭臺畔重過日忍對荆高舊酒徒

沉醉燈前調語時偶然誌墓重相期江湖筆硯俱荒落

何日方成有道碑

先生應鴻博不第有惜其迂慙致遭按劍者先生笑謂余曰他日誌吾墓

爾云

落木蕭蕭蔣逕秋荒閭誰更識羊求從今休作懷鄉夢

碎却枯桐汗漫遊

三尺孤墳十字銘素車何日哭泉扃秋風灑徧江天淚

一片殘陽夢日亭

喜李嘯村至卽同汪琴山訪晤主人鮑洗桐留飲
西枝最小齋嘯村索余贈詩卽席成長句塞命
兼示同座諸子

江城六月苦潦污黷奸壁帶腐戶樞兼旬兀坐出不得
如猴入袋鳥在笥晨起有客狂叫入告以好友至于湖
急披葛衫納布履長街闕市遍尋呼乃知下榻在大宅
囊縮簾笈堆階除方牀冷滑赤花簾小榻瓊瓏碧紗幪
骨董嵌壁如列肆廡空小竇攢圭窬主人不嗔客襪襪
束帶揖我降階趨先生解衣盤薄羸水晶黶黶遮雙臚
手握葉子若羽扇十五五排齟齬未暇掉頭共一語

心計博進但愁獻主人僕指向我迷昧雉久獲騷壇俱
客歲寒孟偶駐屐大飲十日會檀爐昨聞中丞移制府
特命待詔迎

鑿真名士不易得覩縷告君君知無僕也瀝耳駭
然起低催那足識閭姬但聞建業官蜩集差遣營構無
朝晡趨趁駿馬選白義諺婧美人求赤烏龍舟鳳船嗤
狹陋臨春結綺慚村粗貞松文梓樅柏檜白狼赤豹麇
麇麇呼烟叱日舞渾脫擲繩喚鐵緣都盧格五吾邱射
覆朔下及優伶與侏儒

行在供具無不備豈可獨少文學徒況今

天子重經術蒲輪鶴版周海隅傅巖山中釋脊靡朝歌

市上提廢屠紛紛俱挾買臣策人人若棄終軍繻先生

風雅葢宇內一字堪珍百琲珠五玉三帛頽徵典赤齋

陰羽早按圖不用索米長安市便可珥筆承明廬大勝

湖海作逋客奔走文字飽妻帑先生搖首曰不爾懸門

腐鼠吾奚圖昔年壯歲且却聘舉鴻博不應霜雪況已盈顛

顧蘭簿方惋足新鬼謂全椒章晴川吳岑華蕪湖施澹吟輩薜衣敢復移

故吾古來文章本小技報國安用此區區黃竹之歌白

雲曲廟廊賡和難形摹金門委佩非吾事明當卽返愚

谷愚譎語未終裘履錯滿堂扇拂交搜蒲銅盤芥末屑

寒餽鏡燈楸架明高樞樺皮燭未盡三寸缸面酒已騰
百觚珠蘭茉莉香馥馥涼颺爽若傾水壺萍蓬蹤跡真
可笑華筵飲罷旋分裾瑟瑟朝鼓啓魚鑰城頭缺月懸
彎弧

周仲偉過訪留宿二首

旅懷入窮冬百感攢中腸兀坐局室內寒牖昏無光有
客叩我門意氣何軒昂拂君鶴擎裘進我崑崙觴酒酣
各嘆息相顧重旁皇騏驎無兩轅竈下難騰驤鳳皇未
千仞空自鳴歸昌飲罷更促膝譚言宵漏長

漏長言未終寒燈翳短穗枯蕪藉繩牀敗絮搜簾笥泥

爐撥殘灰破屋鳴朔吹客子無甘寢主人空長喟方寸
千間屢寤寐九州被平生好大言此願何時遂晨雞未
三唱請君且安睡

贈門人葉奕彰三首

丹鳳鳴歸昌轂音已如簫孤桐挺百尺雅節何翹翹繫
余抱鈍拙燭武精既銷所願錦帶士羣建畏壘標古人
重令德束修屏浮蕙褪躬苟不渝青紫如承蜩

詩人感城闕挑達戒青衿讀書先器識守道在默沈大
璞產良玉巨升育精金光氣寧久藏國寶羣所欽撫華
而棄實膚立何以任

高樓臨大道中有讀書堂
枇杷布翠幄薜荔綠青牆
誰誦達夜分一燈共熒煌
身世感飄蓬千里空裏糧
征衣拂緇塵百感何茫茫
首歲疲中路開冬歸舊疆
不惜歲月晚所嗟經籍荒
持此以共勗庶幾同行藏

贈蘇秀才翊君五首

絲雨微風趁暮烟
湘簾幾几對新編
眉山家法應常在
馬券憑君休浪傳

金石爭誇碧眼胡
秦碑周鼓久模糊
紛紛麇鼎何樓下
獨認宣和舊日圖

繡襦錦暉淨無塵
插架參差品第新
珍重莫將寒具手

汚他小篆玉麒麟

孤青澗白自娟然密貯空梁又幾年磚塔全銘無恙否

關情只有鄭松蓮

胡君家藏磚塔銘原刻松蓮亟賞之每寓書必曰磚塔銘無恙否

吮豪空自號詩顛難乞人間九府錢聊趁漸江春水澗
共君一泛米家船

韋五葯仙自全椒歸卽赴省試賦贈四首

相思忽相見相見復匆匆但愁易判袂未暇問行蹤去
年別君時白晢頤頷豐如何甫經歲薰顏多悴容乃知
行役客銷精如在鎔執手各嘆息憂心俱忡忡

我遊客君里君歸自我鄉瑣語欲互詢端委不易詳古

人重弧矢所志在四方安能偕婦孺朝夕棲帷房但悲
壯盛年流光擲路旁齷齪轅下駒矯矯雲中凰百里息
廬舍千里空翱翔

皎皎明月光峩峩石頭城送君浮大江怒濤無停聲行
者歌慷慨送者意屏營仰視蒼旻高晴雲曉上征秋燈
照空夢中夜若爲情

素娥處桂宮下土求其儕結璘以爲使寒簧以爲媒八
萬四千戶各自誇聳才顧影向蟾兔五步一徘徊清虛
廣寒府雙扉東南開待君駕青鸞相攜登瑤臺

棕亭詩鈔卷之三

全椒 金兆燕 鍾越

寄秦劬泉

秦淮水閣青旗飄共君聽歌淮清橋角鷹側腦秋旻高
揚州城外輕舸泊看君作賦吟紅藥月中楊柳姿濯濯
長安道上車隆隆九衢聯袂如屏風羨君下筆千人雄
十斛易酒新撥醅酒酣高歌燕昭臺東風刺促不得意
笑書驢券歸去來兄袁弟灌揮手散浮雲南北無根荄
丈夫意氣周九垓千里面目同岑苔瑣瑣尺素兒女語
徒勞鱗羽奚爲哉三年思君苦未足寄君短歌歌復續

試上石頭歌一曲橫江白浪高於屋

却寄韋五

妙舞節屢變清歌音有餘置酒會高堂停觴但悲歎華
燈耀綺筵客心自焚如高樓臨大道珠簾朝暎俱炫服
競新粧美人麗且都粧成對圓花斂衿相嘆吁天馬入
漢關蛾眉嫁穹廬位置應有方安能擇所愉十四學條
桑十五鳴軫車白葦作璘藉黃金作踟躕容華日就萎
嬾素復何須斜日薄西崦明月出東隅佩我明珠璫望
君金鏤衢秋風一以至何以托微軀使君東南來當風
捋髭鬚寶刀佩青犢名駒躍的顛小姑貪目成不共處

姊居珠鈿環霧鬢香風襲雲裾應念空閨人流光如電
驅

寄吳文木先生

文木先生何嶽崎行年五十仍書癡航頭屋壁搜姚姒
醬翁篋叟訪孔義昔歲鶴版下

綸扉嚴徐東馬紛矣馳蒲輪覓徑過蓬戶鑿坏而遁人
不知有時倒著白接離秦淮酒家杯獨持鄉里小兒或
見之皆言狂疾不可治晚年說詩更鮮匹師伏翼蕭俱
辟易小雅之材七十四大雅之材三十一一言解頭妙

義出凱風爲洗萬古誣喬木思舉百神職

先生注詩力
關凱風原註

不能安室之謬南有

溝猶督儒刪鄭衛何異索塗冥摘

壙昨聞

天子坐明堂欲崇衡霍巡南方特重經術求賢良仲讓
講義誇兩行欽明八風舞迴翔負薪老子露印綬妻孥
竦息趨路旁先生何爲獨深藏企脚高臥向榻牀金陵
美酒一千斛粼粼素盃皴紅玉何時典我青綺裘其君
復醉鍾山麓申公駘公老且禿驅之不堪填礪谷先生
速起爲我折五鹿秋風多江水波寄君一曲之高歌歌
殘星斗橫秋河屠販唾手亦富貴安能佐治無偏頗先
生抱經老若阿吁嗟如此蒼生何

施大益川以施二淡吟遺稿凡贈感賦長句兼示

琴山

鏡湖秋水連天白湖雲冷覆幽人宅一行新鴈入雲羅
聲聲淒斷江南客憶昔鳩江重二施珊瑚並幹玉交枝
花萼集中輝互快脊令原上影相隨狂飈一夜吹湖水
大施老去小施死江東奇氣黯然銷孤城白日寒潮駛
僕也飄零湖海身牽船偶住鏡湖濱荒冢每思尋輔嗣
廣庭何日迓朱均感君珍重投瓊軸伴我空齋秋草綠
幾卷琳瑯忍淚看半簾風雨和愁讀早厨休蝕羽陵蠹
爲囑長恩好持護桃扇頻書柳惲詩弓衣定織都官句

君不見詩投溷廁文補袍千古才人空自豪
臍馥殘膏零落盡空令異代首頻搔
勸君休更嗟君弟身後香名誰得似
但使聲華炳日星何須時命悲蘭苜
傷心敬禮訂遺文後世何人更子雲
明月孤猿啼獨夜千山落葉正紛紛

集爲琴山手訂琴山與淡吟交最密嘗哀其倡和諸作爲一帙名對啼猿

江上僧樓書壁

孤塔岩崿碧鏡涵水天閒話對瞿曇
千秋遺事風前笛一片殘陽雨後菴
板子磯邊花瑟瑟夫人祠畔柳參參
寒濤菽港東流去休問寧南更靖南

題周橫山雪中小影一百韻

洞子手束絹其長不盈尺萬態森慘澹觀者盡愔愔雪
貌慘冷羣雲勢張大布礪石樹干尋環遶鶴一隻鬼然
獨立人寒骨挺瘦瘠露頂似禿髻跣足任皸坼如繩者
帶鐵如辦者衣髮冷鍊氣瑟瑟躍鞘光有靛捲向烏皮
几睨我歛一擲索我拙言辭將以題其額鄙人矍然起
此圖誠難繹君其姑少憩爲君試細擘樹將構廣廈鶴
將排健翮雪持凜君腸雲持駕君腋加君巍冠納君
几几鳥鈍鈍翳夫褱鉞鏞滿鬣脊宵鍊試三招定扼黑
卵盍白我客鳩茲江濼傲荒宅危樓支腐楹壁倚斷
碣小港喧吹蛤淤湖鬧鳴烟宿烟塞斧簷古昔滑甌甌

旅思入秋懷孤館獨寤癖賴茲盍簪衆班草遂莫逆競
言周處士鄉譽頗藉藉明月湖前身白雲被偶謫毀璧
止兩爭斬絲理百劇繕性敦孝友裊躬守圭璧說士肉
輸甘好賢衣展蓆濟難覆益漿卹困指舟麥金有劉又
攫食任修齡索窮鬼已潛育俠氣仍撐膈疾風知勁草
嚴霜識貞柏持此冰雪心百折不可易放眼自峻嶒投
足何逼窄技每嘆五窮勇空躍三百奈何遲狡獪生面
更獨闢舍云是不爾吾幼好攜撫望稜學青鳥誌怪搜
白澤端笈抗京管窺衡排甘石喚鐵慕郭休賣鬼謀定
伯畫法兩宋派詩軌四唐格七絃琴聰琴五雅奕秋奕

簫譜月下修樂句燈前拍怒擲摩訶鏡莽提典韋戟蛟
思水底剽虎欲山中射有時愛逃禪足白而髭赤有時
愛學道牛青而雞碧有時入深山蟲不畏毒螫有時泛
巨浸波不畏溲澇有時出門笑雙足履不借名或變鴟
夷質或溷陽翟飄蕭拂破苦皴蕩趁大船錢塘看怒濤
荆衡覓仙液祕檢搜金繩高樓尋玉冊獨擔竹簷行一
亭復一驛獨拍銅斗歌一潮復一汐旅遊數十年肆意
訪烟客東海緬仲連北海思賓碩所求無一過宛言空
嬌嬗以茲廢然返捷戶窮聖籍茫然登無岸蒼然鑽靡
隳頰室已屢空阮途竟何適秋徑長蓬蒿霜風吹締絡

志猶存鴻鵠行恥儕虺蜴聞君味義根枕蓆于古昔道
真耽嚙齶斯文仗持掖畫刺甫一投便若芥遇珀燭我
鳳腦燈啖我牛心炙叩鐘操短筴鞭鴛借長策積疑爲
君獻安肯尙脉脉縱觀區蓋間斯理不易核烏何以踈
輪兔何以匿霸賜谷何以朝濛汜何以夕烏何爲而啄
獸何爲而齧魚何爲而响蟲何爲而咋狗緣何醉虎鐵
緣何飽鵝鳩何反鵬笑鴟何反鵝嚇何屠釣而姜何魚
鹽而鬲何貧天曾史何富壽桀蹠人何甘如齶我何苦
如蘖人何潤如脂我何乾如腊煩君開愚昧一一使水
釋現見雪盡消風逐雲無迹九臯鶴可鳴八極劍可斥

初我烏匱巾蠟我露卯屐把臂隨入林索塗免冥撻庶
用裁華離敢不奉規鋹余閉忽大笑君言何嘖嘖威鳳
暗在波小鳥乃格磔賦蹙繫在梃駁牛乃負輓如君水
氏子挾術本難熱速請將此幅碎之如裂帛所暮眠食
甘出入笑言啞摺頤看苔岑企脚卧苜蓿席秋江澹晴空
試與邁阡陌紫葛晚疎疎紅蓼朝撼撼雲羅冒單椒襍
極密如簣正足乘興佳安暇探理蹟歌勿悲五噫酒且
沽百益圖南知爾將欲東唱吾亦

留別汪琴山六首

青鸞虛瑤臺自啄玉山禾顧影獨飛翔朝夕琅玕柯有

鳥集其林羽耀光華引吭鳴歸昌如蕭清以和音協
響斯應同聲豈在多鈞轉語藁薄爭食何其諱

古人重一諾生死不相移未俗結誓言抗臂或忘之千
載重管鮑不傳昧維辭餘耳光厥初晚節誰克知紛紛
車笠盟徒爲後世嗤

良朋數晨夕賞析有至娛辨難剖微茫亦以破專愚如
何文字交投報惟貢諛翩翩夸毗子無乃多所誣古人
丁敬禮惟君庶可乎

蟻磯波疊山牛渚烟橫墨與君登江臯懷古心惻惻盈
盈衣帶水六代重關塞興亡不可問往事空如織獨有

謝家山千古青無極

文字苦俳諧酒食強微逖豈知同心人懷抱各有屬我
猶難隨羣君將鴻漸陸星洲從此異相見未可卜庶幾
崇令名姱修以爲助

津亭多悲風我馬鳴蕭蕭執手愴別情相對各不聊昨
夜斗酒會今日晨風飄晨風翔寒雲失侶難自驕何以
慰相思疏麻寄瓊瑤

江上登樓

木落楚天秋羈人獨倚樓寒雲迷遠岸野日送孤舟
書劍一身老關河千里愁空灘眠食穩江畔羨沙鷗

琴魚歌

有序

涇縣逆旅主人以琴魚點茶巨首小身浮動水面有响沫搖尾之狀余感之而作是歌

冰菴馥馥乳花香蟾背初入蟹眼湯主人捧甌客整將
巨鯁纖尾鬢鬣張紛如噲喁戲迴塘隊隊撥刺翻菰蔞
金匙到手不敢嘗恐是兕龍鉢中藏神物肯入凡夫腸
噓氣一怒不可當吾聞琴溪波渺瀾傾城三月縱水嬉
仙人驅魚出石穴十里醫罩喧淪漪風乾日炙入包貢
青山綠水無歸期揮杯輟飲三嘆息仙踪杳渺尋無極
七弦泠泠不可聞三十六鱗空相憶吁嗟微物爾何知

虛名一設難終匿君不見翳藻潛苔老歲年春波何限
倚池鯽

諸同人集飲寓齋分賦得酒鱗二首

酒龍心事托微波偶學揚耆向玉盃甕底自能嘘氣上
筵前且喜受風和蛆明碎影紅玳殼蟻泛輕紋碧鞞韉
莫飲欸中燒後散浮沈尺素此中多

崑崙觴昔羨如池魚服年來困不辭酒轍誰能潤升斗
醉鄉聊復作之而金船浸月生微浪玉盃含風登淺猗
蛇影半生驚未定休教杯底更相疑

自新安赴姑孰使院呈雙有亭學使六十韻

嶽仰生中瑞星瞻降傅光傳家隆黼黻華國富文章絲
仗烟無際花磚曰未央影纓軼枚叟題桂邁山郎

特眷金閨彥頻操玉尺量淮壻卿月麗江步使星煌

盛治隆敷德

皇猷重省方歌衢黃髮擁引領翠華揚帳殿神先憎蓬
門臂競攘詩皆工短李賦擬獻長楊去聖勞揮郢鉤絃
待誨襄衆流奔海若曠野遇雲將暖雨鴛俱畢嘶風驥
耳驟籠忻得參朮戢訝躍鰓魴珠定探驪頰鸞偏憶蟹
筐漫勞鉞爲鉤竟欲距投鉞說項知雖屢推袁未易當
如何煩驛使不惜召僉荒賦本輪王粲書難效孔璋盧

誰條自弱管輅膽終惟坏鑿思潛遁車驅已促衰感知
情奮熱顧影意蕭涼自昔謀甘旨何心戀稻梁辭親緣
負米失母類銜薑茹痛離苦由遣征捲轡空攜王博
裘忍撫冠公瘡封鮒徒堪憶尸糞詎復望春暉已泉壤
乾陰更參商冷署獨羈宦頽齡久抱疴溫衾心孔棘垂
橐計焉遑未免兼珍乏羞于獨立強衰顏隨杖屨舊侶
集膠庠曝簡晞開篋芸瓜曉踐眈庭筠秋荀碧籬菊晚
英黃雜柵修須亟鶉衣結未妨帚屨勤澣濯哽咽慎周
防對鯉真愉婉烹魚忽駭惶幾句纔聚首此日復沾裳
箬嶺遮愁眼漸江繞恨腸窮陰當短至獨客走殊鄉披

霧迴迴徑衝泥町墮場懸崖攀鳥室險磴逐騾綱土俗
勤腰臘叢祠賽蚡蚘故畦收芋栗高壠下牛羊樵唱聞
邪許鈴音聽冥罔有時頻侘傺無境不蒼茫楊葉洲邊
兩梅根冶畔霜羈懷愁浩浩江勢渺湯湯水陸兼程邁
關山隻影忙斧冰朝飲馬踣雪夜登航噤瘁枯膚敲凌
就瘦骨僵飢烏鳴獨木凍雀蟄深篁密霰斜飄牖昏燈
短挂牆酒思缸面熟火爇竈觚場側帽青山近揮鞭白
道長旌門森聚戟鎖院肅階廂好下陳蕃榻同陪庾亮
牀龍鷹驚李老虎肯姪蕭娘蓮幕誠多樂蘭陔未遽忘
新安天外月回首重芳皇

不寐

繩牀愁不寐，獨客白傷神。
薄酒難留夢，寒衾不戀身。
苦心籌異日，甘寢羨他人。
側耳荒雞曙，前途更問津。

懷汪琴山戴權師

撲面寒威酒贖沽，江城重到嘆羈孤。
分箋憶昔誦佳句，襤被何時赴上都。
並馬長河朝喚渡，聯袂短炕夜圍爐。
憑君莫話閒居好，兩雪征車亦載塗。

喜晤吳荀叔

人生易離亦易合，此中誰實司其權。
離如落花雨後散，合如遊絲風中牽。
前年與君離，淚灑青溪烟。
今年與君

合笑對青山顛青山雪後點碎玉模糊上接滄浪天君
携才子華旌門一日詩百篇宮袍直奪李白錦珊瑚不
玩湘東鞭明年

天子呼上船白雲黃竹廣瑤箋粉郎香尉堪差肩丰采
奕奕映貂蟬大勝寒爐擁敗絮喧厖瀾語空誕譚我今
閉置如窮袴腐鷄條鏹烏棲斂孔闔聲名竟何處謝家
空宅寒烟暮草草燈前三兩語從今便作牛與女分手
恰如春夢回茫茫蹤跡尋無所

與金純一夜話

偶向天涯並羽樓倚闌心事總淒迷雨停隔院歌聲細

風入虛簾燭影低共話客愁牀上下各尋歸夢路東西
流光轉眼成新故鴻爪年年踏雪泥

姑孰使院同李嘯村吳荀叔韋蔣仙周朋薦金純

一守歲

揮玉窪倒銀鬯祝君長生飲太平

借用楊義
夢中諺語

丈夫意氣

何崢嶸肝膽忍向樽前傾況今海內庶政明

廟堂側席求羣英諸公各各操香名沈詩任筆紛縱橫
江千春風吹幔城倚裳聯袂迎霓旌如火赫耀鏡澄泓
吁嗟誰實爲吹瑩按木呼繞牀走渾花惡彩隨君手區
區勝負竟何有且盡一杯知已酒莫問檐前杓轉斗飽

噉糝盆高酣睡氈牀厚不知歸夢誰先後何限寒窗風
雪人一爐商陸殘灰守

題韋蒨仙翠螺讀書圖四首

清露滴寒松孤鶴夢未了中有苦吟人獨坐江天曉
泠泠清磬裡一逕入雲偏夜半寒潮落高樓人未眠
江月虛檐白漁燈極浦紅蛾眉亭不見一半在雲松
間渡酒仙樓停舟和尚港可許執松枝入座爲都講

自姑孰歸新安留呈雙有亭學使兼示韋蒨仙吳

荀叔

遊子感令節浩然動歸心欲語復踟咽難自禁親

舍魂夢長客途恩遇深願我無兩身何以遂幽忱丈夫
重知已一諾輕千金奈何負夙約棄之等遺簪良友相
譙訶瑣瑣陳規箴主人獨兒憐太息聞越吟覲省誠所
急諒難久滯淫慷慨命與僕送我歸山岑握手勸加餐
相顧各沾襟延目蒼垠高羨此隨陽禽

宛陵道中

清弋江邊路籃輿此重經野航鳴急櫂山鳥落修翎春
草桓彝墓晴烟謝朓亭躊躇意何限空翠晚冥冥

發南陵縣

漸見梅花發春風客路長驛樓何處問春穀故城荒古

洞飛晴雨寒流帶曉霜莫登高爽榭臨眺總蒼茫

遊水西寺

兀兀平肩輿行行沙水際招提叢樹中雲日相虧蔽素
心愛幽尋泉石多留滯連年盼靈境欲往苦無計乃知
車馬客難結山水契今春首歸路逢跡謀所憩山驛喜
春晴薄嵐染衣袂暫與烟客親頓覺塵容蛻泠泠鐘磬
音入耳生定慧安得結柴荆長此棲薜荔醒醉三日遊
前哲庶可繼

霧中過新嶺

高嶺陟千仞濃霧迷五里墜衣去地尺側帽近天咫尺

聞泉潺潺微見石齒齒前侶駭乍無後伴疑中止置身
混茫中冥想天地始嗟哉七尺軀太倉貯稊米飛昇慕
天闕巨泛尋海市乘躋遊虛無仙路更誰指空外自予
立大抵不過爾日出霧初散林烟疊幻綺乃知身漸高
翼翼屢回視羣岡堆插塌破碎不可紀

晚步平等庵

蘭若荒城外林巒勢糾紛高標樓落日古壑納歸雲松
徑當門直溪流到石分沙頭爭渡急人語隔烟聞

初至妙華禪林與周仲偉宿

春山輕陰飛碎霰濃翠點點浮巾衫屏跡偶來儼荒寺

有如跟位逃空嵌黃紙帽箱白藤笈敝衣殘卷紛相僂
竹鬼斜轉石逕仄忽逢好友穿松杉欣然擊鉢入叢薄
共踏敲齣趨深壑野梅當戶僧獨倚山果挂簷烏竊鷄
蓮座降肛蹲獅吼薛磴滑澆騰麝麕入室頓覺俗慮靜
如破宿垢刮黠賊山蔬野菽供淨饌塵土腸胃洗饜餽
禪牀布衲足奇煥卧對土佛身軀軀鐘鳴枕畔忽報曙
披衣相視一笑歛君看此境頗不惡何必蘇堤十里張

春帆

時仲偉談
西湖之勝

春日山寺讀書十首

關山辭跋涉息踵到禪窩不悟浮名累那知淨理多形

懶爲我用笑語得天和從此任甘寢休爲勞者歌
招提塵境外囊襍信淹留土脉春初動山容晚更幽百
弓滋藥圃十笏繞花樓不羨松喬侶方蓬汗漫遊
酒豈延陶令房聊借贊公窻雜呼彌彌簷鐸喚東東瀾
底薔薇白岩邊躑躅紅山花隨意插不遣小瓶空

六枳疎籬畔春畦帶野花輕烟催午餉小雨種辰瓜乳
犬知迎客雜僧學點茶不知開士宅疑是野人家

傑閣俯回汀千山列畫屏閒雲歸石竇新蘚上鐘銘愛
讀高僧傳閒抄小品經重檐春雨暗虛白就疎櫺

觀境悟真如棲心淡泊初二紅鑊底飯七白澗邊蔬經

案朝臨帖禪燈夜校書饋貧資典籍壅粥任無餘

古剎依青嶂開庭長綠苔遊僧打包去村女贖錢回花
落簾猶捲雲歸戶未開足音空谷少清晝獨徘徊

敗簣破垣內栽田憐桂琛青疇鋤麥浪白水插秧箴確
響喧頽澗厨烟淡遠岑何時對彌勒新釀許同斟

幽居屏人車節候漸相催紫愛楊梅熟紅驚芍藥開溪
光生薜幄山氣潤蓮臺晴日當簷午前峯已轉雷

不用買山隱休疑避地賢三旬歸覲數十里近城偏野
菜盈筐嫩溪魚入饌鮮庭闌無閒澗獨處可經年

聞雙有亭侍讀除祭酒

江南春曉幔城開
輦路遙頒

鳳詔來

帝澤深涵紫泮藻

江浙兩省
鄉學廣額

使星先耀列街槐
參天碑

立中郎篆拔地文成吏部才
他日摠衣趨館下飽看石
鼓作歌迴

同吳茵稽吳祺乃集飲方東萊齋中聯句

犯星槎初迴吳山茵稽凌雲賦已獻棣萼競莢扶金兆
燕鍾越薛幄堪纒纒小室對遙空方儻東萊良友得嘉
遜編枳補疎籬吳寬祺乃滋蘭布廣碗芍藥舒異韞
占

茶蘼縈弱蔓浴露香有餘兆燕炙日色未褪階因碧蘚

滑儻池借白石堰綠竹千萬个寬紅魚一二寸翠瀉紫
霞茶山黑顆青精飯欲暹詩陣豪兆燕先鬪酒兵健策
事搜冷僻儻射覆禁洩溷席糾稟官箴寬觴政嚴國憲
巧舌奇葩攢口利口懸泉噴預愁險遇坎兆燕先乞命
申張各思磨刃鋸儻孰肯甘槌鈍乍快淝水捷寬仍慮
平城困戟手逞雄家一卷舌甘拙愿戰酣罷偏師兆燕
雅集破羣鬪雨澗弦音遲儻風引歌聲曼對杯試手談
寬揮塵祛目論城同舍衛遊標似畏壘建幸共一日
歡兆燕盡釋三春怨受命夢飲父儻啓慧胸生出百斛
烏獲扛寬千里樂巴嚶空自好大言何時償至願舜

舉道自高北燕孔誠儒不恩索米羞侏儒裁祛耻負
販且與耽蕭寂寬庶可蠲塵坐選煙考墨譜二借書持
酒券東萊以家刻墨譜贈余尉腹局何澗兆燕蹙頞杖
屢敦真堪縱鶴飲儻何事羨麟植提壺更明朝寬好鳥
枝頭勸二

題汪王故宮用古城巖石刻韻

貔貅十萬六千兵宮殿參差暮靄平堪笑虬髯食一局
遠從海外據孤城

山中晚晴

天空飛鳥沒雨過片雲閒一抹青無際松蘿山外山

贈華亭程叟老松二首

湖上采蓴客香名人共知五言重耆舊一陸得真師花
月樽中酒雲山馬上詩布衣能著迹應不負

清時

偶結忘年契壺觴一水涯閒情堪共寄小住且爲佳鰥
菜牽歸夢關河老壯懷扁舟三泖曲何日訪高齋

碌碌行

碌碌復碌碌羸牛無健犢良人販東吳小郎賈西蜀秧
根稿作灰市米貴如玉新婦拔舊釵城中糴官穀側身
萬人中豪吏怒驅逐不暇顧赧顏但幸免飢腹倚牆至

日暮垂橐無握粟歸來櫟空釜稚子猶索粥老姑無完
裙獨坐空田哭

贈藥根上人二首

丈夫不得志乃作方外遊今君何爲者溷迹隨緇流鐘
磬訛有情恐難寫我憂不如味義根聖賢庶可求瓊玉
惡點蠅蘭槐畏漸修側身天地間勉旃慎所修

古人亦有言交淺忌言深自我聞君名千里久傾心神
合已膠漆對面寧昔岑所愧見道淺無以爲規箴他日
折疏麻好寄雙樹林